



# PANDAYAN

OPISYAL NA PAHAYAGAN NG ALL-UP WORKERS ALLIANCE

Espesyal na Isyu

Oktubre 5, 2011

## PAGPUPUGAY SA MGA GURO NG BAYAN SA MAKASAYSAYANG WORLD TEACHER'S DAY 2011!

**N**gayon ang Araw ng mga Guro at ngayong taon din ang ika-150 na kaarawan ng bayaning si Jose Rizal. Parang napakatagal na, pero ang mga salita mula sa nakaraan ay tila may bisa pa rin sa kasalukuyan. Sa *Noli me Tangere* ni Jose Rizal, sinabi ng isang guro kay Ibarra:



“Ibig ninyong malaman ang mga sagabal na nakahahadlang sa pagtuturo? Kung gayo’y pakinggan ninyo: sa kalagayan namin ngayon, kung walang malaking suporta ay hindi maisasagawa ang pagtuturo. Una, sapagka’t walang makaakit sa kabataan sa pag-aaral, at pangalawa, kahit na magkaroon ng pang-akit, ay problema naman ang kakulangan sa kagamitan at maraming iba pang suliranin. Sinasabing sa Alemanya ay walong taong nag-aaral ang anak ng tagabukid. Sino ang mag-aaksaya dito ng kalahati man lamang ng panahong iyan, sa napakakaunting bagay na napapala? Nagbabasa, nagsusulat at nagsasaulo ng mga bahagi at kung minsa’y buong aklat sa wikang Kastila, nang walang naiintindihang isa mang salita: Ano ang napapala sa paaralan ng mga anak ng ating mga tagabukid?”

“Sinubukan kong gawing maging masaya at malugod ang pag-aaral. Ang teksbuk ay tinangka kong maging kaibigan ng bata, na magtuturo sa kanya ng mga kamangha-manghang lihim at hindi munting aklat na itim na puno ng luhang kabataan. Hinangad kong ang paaralan ay maging isang pook na liwaliwan ng kaisipan at hindi isang pook ng pahirap.”

Gusto mong malaman kung ano ang mga sagabal sa pagtuturo sa kasalukuyan? Taliwas sa kasalukuyang ipinapangalandakan sa atin ng mga ahensya ng pamahalaan at mga malalaking negosyante sa edukasyon, hindi simpleng negosyo lamang ang turing ng guro sa *Noli* sa edukasyon. Hindi ito bagay na nararapat pagkakakitaan o bagay na kailangang tapusin para lamang magkaroon ng trabahong kakarampot ang sahod o kahit mataas nga ang kita ngunit nakakapundi naman sa ating pagkatao. Ang paaralan ay isang lugar kung saan ginagabayan ng guro ang mag-aaral upang makatuklas sa mga kamangha-manghang lihim ng kalikasan at lipunan. Ito ang pook ng paglilwaliw ng kaisipan at paglipad ng imahinasyon. Ito rin ang lugar kung saan dapat maituro ang mga bagay na makabuluhan sa nakararaming kabataang tagabukid at anakpawis. Higit sa ano pa mang negosyo, ang silid-aralan ay dapat maging lugar ng pagtatanong, pagsusuri at pag-alpas sa mga tanikalang pangkamalayan.

Ito ang tunay na kahulugan ng pag-aaral.

Pero ang pagkamit nito ay puno ng sagabal at hadlang. Tulad ng sinabi rin ng guro kay Ibarra, nariyan ang kakulangan sa klasrum, aklat at kagamitan. Higit sa lahat, kulang sa diwang mapanuri, makabuluhan at mapagpalaya dahil sa maling mga patakaran at tunguhin sa kasalukuyang komersyalisadong edukasyon. Nakaatang sa mga guro ang isang napakabigat na tungkulin maliban pa sa bigat ng kanilang pang-araw-araw na trabaho. Matagal na nilang nalalaman ang mga sagabal sa pagtuturo at pagkatuto. Ngayong Pandaigdigang Araw ng mga Guro ay muli nating isinisigaw:

**ITAGUYOD ANG MAKABAYAN, SYENTIPIKO AT MAKAMASANG EDUKASYON!  
MABUHAY ANG MGA GURO NG BAYAN!**

# World Teacher's Day

Oktubre 5, 2011

**ACT 10-point demand for greater education budget!**

- 1. Regularization of all Volunteer /Contractual Teachers!**
- 2. 104,000 New Permanent Teacher Items!**
- 3. Salary Grade 15 for Teacher 1! Salary Grade 16 for Instructor 1 in the State Colleges and Universities! P6,000 Increase in Base Pay of non-teaching personnel!**
- 4. Increase Chalk Allowance to P2,000!**
- 5. Increase Base Productivity Pay to P5,000!**
- 6. Increase Clothing Allowance to P6,000**
- 7. P91.5 Billion for Classroom Shortage & Other School Facilities!**

**8. Adequate Budget for Universal Kindergarten program!**

**9. Greater State Subsidy for PNU (Philippine Normal University) and All SUCs (State Universities & Colleges)!**

**10. 100% Increase in MOOE in All Levels of Education!**

**CHALK WALK to Malacanang!**

**CHALK TALK with PNoy!**

**ACT Now to Increase CHALK ALLOWANCE to P2,000!**

**Salary Grade 15 para sa mga Guro ng Bayan!**

**ACT Now for Greater Education Budget!**

**Assembly 1pm-2pm at FEU Morayta at 3pm**

**UP... Bigyan ng Sapat na PONDO**  
Josephine " JD" Dionela

Malawakang strike ay sadyang gagawin  
Simula na ngayong araw ng Lunes mandin  
Di kasi makuha kung basta kausapin  
Kaya pag-iistrike di kayang pigilin

Bilang nangungunang unibersidad sa bansa  
Suporta ng gobyerno'y di dapat mawala  
Upang makitang ang landas nga ay tama  
Dahil edukasyo'y susi sa pag-aangat ng bansa

Kalidad ng edukasyon ay gawing mataas  
Kaya't itong pondo ay dapat na sapat  
Mga gastos na kailanga'y matugunang lahat  
Sa labas at loob ng bansa ay tiyak na tanyag

Sa UP Charter 2008 ay sadyang isinasaad  
Na ang UP ang Nasyonal na Unibersidad  
Gobyerno ang dapat na dito'y tumupad  
Sa pagpapalago, operasyon at pagpapanatili ng kalidad

Noong Nobyembre 26 ng taong nagdaan (2010)  
Inihayag ng UP Council na dapat dagdagan  
Pondo ng gobyerno ay kulang na kulang  
Adminstrasyo'y hirap na gastos ay matustusan

Halimbawa rito ay mga laboratoryo  
Kailangang maiayos at dapat na ay moderno  
Kung kalidad na edukasyon ang dapat matamo  
Huwag namang ipagkait ang sapat na pondo

Dagdag na halimbawa ay iba pang pasilidad  
Mga silid aralang may sapat na lawak

Para di mainit at magsiksikang ganap  
Hindi na nagpapaypay habang nagsusulat

Kung sa larangan naman na pampalakasan  
Dapat ay may espasyo na para lang diyan  
Kaya't P.E building nawa'y matutukan (swimming pool sa UP Manila)  
Kailangang kailangan ng Unibersidad 'yan

Banggitin din natin ay ang mga guro  
Marami na ang lumipat at lumayo  
Kinapos kasi sa inaasahang benepisyo  
Kaya't nananaig ang pag-alis dito

Isa pang malaking isyu a itong ospital  
Di ba't mga mamamayan ito ang takbuhan  
Lalo't mahihirap at nangangailangan  
Nararapat lang na malaki ang pondong ilaan

Kaya't nananawagan sa ating gobyerno  
Gawan ng paraang magkaroon ng pondo  
Pondong sadyang sapat at walang pakikiaman  
Kung nais ang edukasyon ay umayos ng husto

Ang panawagang ito ay di lamang para sa UP  
Maging para sa lahat nito pong SUCs (State Colleges and Universities)  
Pare-pareho ang sitwasyon nga kasi  
Kailangang mai-angat ang kalidad ng marami

Pangulong Aquino nawa ay marinig (P-NOY)  
Edukasyon at kalusugan ang bigyan po ng pansin  
Kung nais pong tuwid na landas ang tahakin  
Matalino at malusog na mamamayan ang dapat paramihin

